

شہریاں واسطیں معلوماتی کاغذ: وٹامن۔

اے معلوماتی کاغز ملٹی وٹامن تے وٹامن ڈی ضمیمه اضافی کمی کی پورا کرنے واسطیں نال پیجنے واسطیں بنائے گئے ان جناب کی لوکل فوڈ بینکس کی دتا گیا سی برمنگھم سٹی کونسل نی طرفون، کووڈ-19 نی وجہ توں۔

وٹامن:

زیادہ تر لوکاں کی وٹامن سپلیمنٹس نی لوڑ نئیں ہونی تے سارے وٹامن تے منزلز نی کمی اک صحتمند متوازن غذا کھانے نال پوری ہوئی جانی۔

وٹامن تے منزل مثلاً آئرن، کیلشیم اور وٹامن سی بہت ضروری غذائی اجزاء ان جناب نی لوڑ تسان نے جسم کی تھوڑی مقدار وچ ہونی اے صحیح طرح کم کرنے واسطیں۔ کچ لوک مرضی نال سپلیمنٹس اننے ان پر زیادہ اننا یا ذیادہ عرصے واسطیں کھانا نقصان دہ ہوئی سکنا۔

عوامی طور تے تجویز کردہ غذائی اجازت بڑیاں واسطیں تے حاملہ خواتین تے بچیاں واسطیں تجویز کیتی جانی اے۔ اے اکثر بوتل اپر 'آر ڈی۔ اے' نی شکل وچ لکھی ہونی اے تے وٹامن نی مقدار فیصد وچ لکھی اونی اے۔

وٹامن ڈی سپلیمنٹ:

مارچ توں لے کر ستمبر نے آخر تک زیادہ تر لوکاں کی جتنی وی وٹامن ڈی چاہی نی ہونی اے سورج نی روشنی چوں لبی جانی جلے او ماں تے پینی نال متوازن غذا کھانے نال۔

کیونکہ صرف غذا کھانے نال وٹامن ڈی نی کمی پوری کرنا مشکل ہوئی جانا اس واسطیں سبان کی حاملہ تے دودھ پلانے الی عورتیاں سمیت 10 ماںکرو گرام نا وٹامن ڈی نا سپلیمنٹ کھانا چاہی نا سردی تے خزان نے موسم وچ اس طرح نے لوک جیڑے زیادہ تر سورج توں دور ہونے مثلاً جیڑے صرف کار اچ رہنے، یا کیئر ہوم وچ رہنے یا اس طرح نے کپڑے لانے جیڑے انہاں نے پورے جسم کی ڈھکی چھوڑنے کی 10 ماںکرو گرام نا وٹامن ڈی سپلیمنٹ روزانہ کھانا چاہی نا۔ 10 ماںکرو گرام

(400 آئی یو) نا وٹامن ڈی سپلیمنٹ روزانہ اکتوبر توں مارچ کھانا تجویز کیتا جانا اے تاکہ تسان نی بڈیاں تے پٹھے صحتمند روون۔

کچ رپورٹاں نے مطابق وٹامن ڈی کووڈ-19 نا خطرہ کم کرنی اے مگر اجے توڑیں اسنان کوئی خاص ثبوت نی لبیا کہ وٹامن ڈی کھانا کووڈ-19 توں بچانا اے۔

بئوں زیادہ وٹامن ڈی سپلیمنٹ لمبے عرصے تک کھانا جسم وچ بئوں ذیادہ کیلشیم جمائی سکنا (بائپر کیلسیمیا) اے ہڈیاں کی کمزور تے گردیاں تے دل کی خراب کری سکنا۔

100 ماٹکرو گرام (400 آبی یو) وٹامن ڈی روزانہ توں زیادہ کھانا نقصان دہ ہوئی سکنا۔ اے بڑیاں، حاملہ تے دودھ پلانے والی عورتائی سمیت تے 11 توں 17 سال نی عمر نے بچیاں واسطین عمل ضروری اے۔

وٹامن نے بارے وچ اور معلومات واسطین:

تسین اور پڑھی سکنے او وٹامنر نے بارے وچ NHS نی ویبسائٹ اپر:

<https://www.nhs.uk/conditions/vitamins-and-minerals/> .

حاملہ خواتین تے چھوٹے بچے وی مفت وٹامنر حاصل کری سکنے نیشنل بیلتھی سٹارٹ وائچر سکیم نے ذریعے۔ تسین اس بارے وچ اور معلومات حاصل کری سکنے او اتھے:

<https://www.healthystart.nhs.uk/> .

تنبیح :

اگر تسان کی کوئی صحت نا مسئلہ اے تے کوئی وی سپلیمنٹ کھانے توں پہلاں اپنے ڈاکٹر نال مشورہ کری ائیے۔

اسان کی سوشل میڈیا اپر فالو کرو:

Twitter.com/healthybrum .

Facebook.com/healthybrum .

Instagram.com/bccehealthybrum .

YouTube.com/channel/UC3RIwgKB6ehKvOCb7QbSf1Q .